

Održana radionica na temu „Razvoj tehničke dokumentacije Registra cijena“.

24.04.2015 12:09



Radionicu su vodili stručnjaci iz Lantmäterieta gosp. Hans Söderblom, stručnjak za procjenu vrijednosti nekretnina, i gosp. Sannagård Jörgen, IT stručnjak koji je razvijao i održava sistem Registra cijena u Švedskoj. Na radionici je bila prisutna i gđa Marija Rašković, koja održava Registar cijena u Srbiji.

Na radionici su obrađene sljedeće teme:

- glavni dijelovi tehničke dokumentacije za razvoj IT sistema;
- kako raditi na tehničkoj dokumentaciji (uloge, *use-case*, šeme, izvori podataka, tok podataka,

dokumenti);

- razmatranje funkcionalnosti i komponenti sistema Registra cijena;
- specifična pitanja razvoja sistema Registra cijena;
- praktične smjernice (najbolji slučajevi i glavna pravila u razvoju tehničke dokumentacije).

Na početku radionice razmatrani su koncepti Registra cijena predstavljeni od strane radnih grupa kako bi se stručnjacima predstavile razlike i sličnosti između planova implementacije FBiH i RS.

Drugog dana radionice stručnjaci su iznijeli svoje prijedloge i komentare na Nacrt plana implementacije Registra cijena, te su predstavljeni opći koncepti registara kupoprodajnih cijena u Srbiji i Švedskoj, njihova namjena i funkcionalni i nefunkcionalni zahtjevi.

Na radionici su bili prisutni i članovi IKT radne grupe iz komponente 6 CILAP projekta, te se diskutiralo o rješenjima IT/IM specifikacije za Registar cijena. Kako će ubuduće radne grupe obiju komponenti sarađivati, bilo je potrebno razmijeniti iskustva s predavačima u vezi s Registrom cijena te dati smjernice što je sve potrebno uzeti u obzir prilikom pripreme tehničke dokumentacije za razvoj IT sistema.